



## Ĉu studi interlingvistikon kaj esperantologion en UAM, Poznano?

- JES**, se vi interesiĝas pri la stato de internacia komunikado, pri motivoj kaj strukturoj de planlingvoj.
- JES**, se vi volas ekscii pli pri lingvistiko, literaturo kaj historio de esperanto de konataj esperantistaj fakuloj (ekz. Vera Barandovská-Frank, István Ertl, Katalin Kováts, Humphrey Tokin).
- JES**, se vi ŝatas esplori kaj diskuti pri aktualaj problemoj de ĉi-tiuj terenoj en internacia rondo – via loko estas inter la gestudentoj de la nova interlingvistika grupo.
- JES**, se vi estas juna aŭ freŝbakita esperanto-parolanto – vi estas bonvena akiri novajn konojn kaj prezenti viajn freŝajn ideojn; se vi estas matura esperantisto – vi estas bonvena enprofundigi viajn sciojn kaj dividi viajn spertojn.
- JES**, se vi volas profesiigi kaj akiri universitatan kvalifikon pri interlingvistiko kaj esperantologio – decidu studi ĉe la IS de UAM!

La **Interlingvistikaj Studoj de Universitato Adam Mickiewicz** (IS de UAM aŭ simple AMU!), en Poznano (PL) jam de 1998 regule ofertas siajn 3-jarajn postdiplomajn studojn pri interlingvistiko kaj esperantologio en ekstera formo: nur unu intensan semajnon necesas pasigi en UAM ĉiusemestre, inter la sesioj la laborado okazas kun la helpo de la kursgvidantoj kaj per reta lernado. La tria jaro ebligas **specialiĝojn**: pri internacia kaj interkultura komunikado, interlingvistiko, lingvistiko kaj literaturo de esperanto, tradukado kaj instruado. La lasta estas tre grava kaj la plej altnivela **formado de esperanto-instruistoj**. Post plenumo de ĉiuj ekzamenoj kaj sukcesa pretigo de diplomlaboraĵo la partoprenantoj ricevas atestilon de plenumo de interlingvistikaj studoj.

*La kvina grupo finos siajn studojn en septembro 2014 kaj nova grupo estas planata. Kandidatoj ne nur el Pollando, sed ankaŭ el proksimaj kaj malproksimaj landoj, estas atendataj al tiuj unikaj studoj, ja favoraj trajn- kaj flugkonektoj ebligas la semestre unufojan ĉeeston.*

Studprogramo, kondiĉoj kaj aldonaj programoj (interlingvistika simpozio, kultura renkontiĝo Arkones kaj ekskursoj) troveblas sur la retpaĝoj de IS: <http://www.amu.edu.pl/~interl/> Kaze de aldonaj demandoj kaj aliĝilo kontaktu: [interlin@amu.edu.pl](mailto:interlin@amu.edu.pl)!

*Bonvenigas vin en la nomo de la stabo:*

**Ilona Koutny**

*fondinto kaj gvidanto de IS*

*( prof. de UAM kaj membro de [AdE](#) )*